

O PÁRAMO	4º-trimestre-2024	Taxa de recollida de residuos sólidos urbanos
P O L	4º-trimestre-2024	Taxa pola recollida de residuos urbanos

O ingreso das débedas realizarase en calquera oficina da Entidade ABANCA, “La Caixa” - Caixabank SA, Banco Bilbao Vizcaya Argentaria S. A. (BBVA) e Banco Sabadell S.A., e Caixa Rural Galega S.C.C.L.G en días laborables, de luns a venres, de 08:30 a 14:00 h, na que se presentará o documento de ingreso que se envía, por correo, aos domicilios dos contribuíntes. As persoas que non reciban ou extrávan o documento de ingreso, poderán solicitar un novo na oficina da entidade bancaria e realizarán, igualmente, o pagamento. O ingreso poderá realizarse por calquera canle habilitada en horario ampliado (caixeiros automáticos, internet, banca electrónica).

Tamén pode realizarse o pago na Sede Electrónica da Deputación, Portal do Contribuínte, por delegación do seu Concello, que é o que envía o Padrón para o cobro. Ou mediante xiro postal dende calquera oficina de Correos (Sociedad Estatal Correos y Telégrafos).

O pagamento dos citados tributos poderase domiciliar, para anos sucesivos, en caixas de aforros, bancos e demais entidades financeiras. Para este trámite será necesario cubrir o impreso de domiciliación que acompaña ao documento cobratorio e remitilo ao Servizo de Xestión Tributaria e Recadación, ou ben entregalo en calquera das entidades citadas, cando a domiciliación se refira a unha conta aberta nas mesmas.

Infórmase tamén que, transcurrido o prazo de ingreso en período voluntario, as débedas faranse efectivas pola vía de constrinximento e serán esixibles as recargas do período executivo e os xuros de mora correspondentes, tal como estipulan os artigos 26 e 28 da Lei 58/2003, do dezasete de decembro, xeral tributaria e, se é o caso, as custas que se produzan.

Lugo, 10 de xaneiro de 2025.- O PRESIDENTE, P. D. Decreto de data 15-03-2024, A DEPUTADA PROVINCIAL, M<sup>a</sup> del Carmen López Moreno.

R. 0079

## CONSORCIO PROVINCIAL DE LUGO PARA A PRESTACIÓN DO SERVIZO CONTRA INCENDIOS E SALVAMENTO

### *Anuncio*

Ao non presentarse reclamacións durante o prazo de exposición ao público, queda automaticamente elevado a definitivo, o acordo plenario provisional do Consorcio Provincial de Lugo para a Prestación do Servizo Contra Incendios e Salvamento, do 28 de novembro do 2024, de derogación da Ordenanza fiscal reguladora da prestación do servizo de extinción de incendios, salvamento, expedición de documentos administrativos e determinadas actividades administrativas (cuxa redacción orixinal foi aprobada en sesión plenaria do 28/09/2011), publicado no B.O.P. de Lugo nº 281 do 05/12/2024. O que se fai público en cumprimento do disposto no artigo 17.4 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.

Contra o presente acordo, poderase interpor recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia, no prazo de dous meses a contar desde o día seguinte ao da publicación do presente anuncio, de conformidade co artigo 46 da Lei 29/1998, do 13 de xullo, Reguladora da Xurisdicción Contencioso- Administrativa.

Lugo, 27 de xaneiro de 2025.- O Secretario do Consorcio, José Antonio Mourelle Cillero.

R. 0219

### *Anuncio*

Ao non presentarse reclamacións durante o prazo de exposición ao público, queda automaticamente elevado a definitivo, o acordo plenario inicial do Consorcio Provincial de Lugo para a Prestación do Servizo Contra Incendios e Salvamento, do 28 de novembro do 2024, de aprobación da Ordenanza fiscal reguladora da taxa pola prestación do servizo de extinción de incendios e salvamento, publicado no B.O.P. de Lugo nº 281 do 05/12/2024.

Contra o presente acordo, poderase interpor recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia, no prazo de dous meses a contar desde o día seguinte ao da publicación do presente anuncio, de conformidade co artigo 46 da Lei 29/1998, do 13 de xullo, Reguladora da Xurisdicción Contencioso- Administrativa.

O texto íntegro da Ordenanza faise público en cumprimento do disposto no artigo 17.4 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.

#### ORDENANZA FISCAL REGULADORA DA TAXA POLA PRESTACIÓN DO SERVIZO DE EXTINCIÓN DE INCENDIOS E SALVAMENTO.

##### Artigo 1º.- Fundamento e natureza.

O Consorcio Provincial de Lugo para a Prestación do Servizo contra Incendios e Salvamento (en diante Consorcio), en uso das facultades concedidas polos artigos 133.2 e 142 da Constitución Española, do artigo 106 da Lei 7/1985, do 2 de abril, reguladora das Bases do Réxime Local (en diante LBRL) dos artigos 15 a 27 e 150 e seguintes do Texto Refundido da Lei Reguladora das Facendas Locais, aprobado por Real Decreto Lexislativo 2/2004, do 5 de marzo (en diante TRLFL), do artigo 24.c) dos Estatutos do Consorcio aprobados polo Decreto 19/2009, do 5 de febreiro da Consellería de Presidencia, Administracións Públicas e Xustiza (modificados polo Decreto 136/2010 do 5 de agosto, e posteriormente polo Decreto 30/2018 do 8 de marzo), aproba a “taxa pola prestación do servizo de extinción de incendios e salvamento” á que fai referencia o artigo 20.4.k) do TRLFL, a cal se rexerá pola presente Ordenanza fiscal, polo TRLFL, pola Lei 58/2003, do 17 de decembro, Xeral Tributaria (LXT), así como polas demais normas de aplicación.

A taxa fundaméntase na necesaria contraprestación económica que deben satisfacer os suxeitos pasivos, para cubrir os custos que xenera a realización dos referidos servizos públicos.

##### Artigo 2º.- Feito imponible.

Constitúe o feito imponible da taxa, a prestación dos servizos que a seguir se indican:

- A asistencia prestada para prevención e extinción de incendios e/ou alarmas destes, salvamentos en xeral (tanto de persoas como de animais), afundimentos de edificios e construcións, ruínas ou prevencións destas, accidentes de tráfico, inundacións, fugas de gas, aperturas de portas, valoración e/ou retirada de niños de vespa velutina, caída de árbores, e calquera outra situación análoga que motive a necesidade de intervención polos servizos do Consorcio Provincial contra Incendios e Salvamento, ben sexa por solicitude de particulares interesados/as, ou ben sexa de oficio por razóns de seguridade sempre que a prestación do devandito servizo redunde en beneficio do suxeito pasivo.

Só procederá a apertura de portas cando se trate dunha urxencia motivada pola existencia dun risco para as persoas ou os seus bens, ou no interior haxa persoas ancianas, nenos/as ou impedidos/as fisicamente, ou a solicitude dos/as axentes da autoridade.

- A presenza de persoal, vehículos, equipos e materiais do servizo en concentracións, espectáculos e outros, con fins preventivos, incluídos os simulacros.
- Calquera outro servizo de recepción obrigatoria que fora prestado polo Consorcio na materia obxecto desta taxa.
- A realización de actuacións que, aínda non sendo de recepción obrigatoria, foran prestadas polo persoal do servizo a requirimento dos/as interesados/as.

##### Artigo 3º.- Supostos de non suxeición.

Non estarán suxeitos ao pagamento da taxa regulada nesta Ordenanza, os servizos de prevención xeral realizados a instancia do propio Consorcio, nin aqueles outros servizos que se presten en beneficio da xeneralidade da veciñanza ou dunha parte considerable desta, tales como os prestados en casos de catástrofe ou calamidade pública oficialmente declarada.

##### Artigo 4º.- Suxeito Pasivo.

1.- Son suxeitos pasivos en concepto de contribuíntes, as persoas físicas ou xurídicas e as entidades ás que fai referencia o art. 35 da Lei Xeral Tributaria, incluídos/as os/as mencionados/as no apartado 4 do mesmo, que sexan usuarios/as dos bens sinistrados e que foran obxecto da prestación do servizo, entendendo por usuarios/as, aos propietarios/as, arrendatarios/as, usufructuarios/as e posuidores, por calquera título, dos bens obxecto da/s actuación/s, así como os/as titulares das actividades industriais, comerciais ou profesionais, cando sexan diferentes dos/as propietarios/as, e nos servizos de salvamento, serán obrigados/as tributarios, os/as que teñan solicitado o servizo ou en cuxo interese redunde a prestación realizada.

Respecto á titularidade dos bens e dereitos inscritos en rexistros administrativos, considérase suxeito/s pasivo/s a quen/es figure/n como titular/es no Catastro Inmobiliario (para bens inmobles rústicos, urbanos e de características especiais) e na Dirección Xeral de Tráfico (para vehículos a motor).

2.- Terán a condición de substitutos do contribuínte, as entidades ou sociedades aseguradoras do risco (art. 23.2.c) do TRLFL).

No caso de que os bens non estean asegurados polo suxeito pasivo, serán substitutos do/a contribuínte, os/as propietarios/as dos inmobles, quenes poderán repercutir, no seu caso, a cota sobre os/as respectivos/as beneficiarios/as.

Artigo 5º.- Responsables.

1.- Serán responsables solidarios da débeda tributaria, as persoas ou entidades ás que fai referencia o artigo 42 da Lei Xeral Tributaria.

2.- Serán responsables subsidiarios da débeda tributaria, as persoas ou entidades ás que fai referencia o artigo 43 da Lei Xeral Tributaria.

Artigo 6º.- Exencións.

1.- Estarán exentos/as os/as seguintes contribuíntes:

- a. Os/as beneficiarios/as do RISGA (Renda de Integración Social de Galicia).
- b. Os/as acollidos a réximes protectores de carácter público análogos ao mencionado no punto anterior.
- c. Os/as xubilados/as, pensionistas, desempregados/as de longa duración (inscrito/a ininterrumpidamente na oficina de emprego como demandante durante 12 meses ou máis), e outros/as obrigados/as, sempre e cando xustifiquen que os ingresos anuais globais da unidade familiar á que pertencen é inferior a 1,5 veces o valor do Indicador Público de Renda de Efectos Múltiples (IPREM).
- d. As entidades consorciadas, polos servizos prestados como consecuencia de sinistros que afecten aos bens dos que sexan titulares.

Así mesmo, estarán exentos os seguintes servizos prestados (independentemente de quen/es sexa/n o/s suxeito/s pasivo/s): Realización de simulacros.

Con todo, non procederá exención, cando o/s suxeito/s pasivo/s, estivese/n amparado/s por un seguro que cubrise os gastos derivados da intervención dos servizos do consorcio.

2.- O/s suxeito/s pasivo/s que estea/n na/s situación/s descritas no apartado 1 deste artigo, deberán solicitar a exención por escrito ao Consorcio, acompañando a documentación acreditativa das circunstancias nas que se fundamenta dita exención. O prazo máximo para solicitar a exención será dun mes, contado desde a data da intervención dos efectivos do servizo.

3.- A proba da concorrencia dos requisitos establecidos para a concesión das exencións establecidas no apartado 1 deste artigo, corresponderá ao/s suxeito/s pasivo/s, xuntando a seguinte documentación:

- Copia compulsada/autenticada da nómina, pensión, prestación ou, no seu defecto, certificado bancario do ingreso mensual da nómina, pensión, ou prestación.
- Declaración do IRPF correspondente ao exercicio anterior.
- No seu caso, declaración xurada de non posuir outros ingresos cuxo importe sumado ao da nómina, pensión ou prestación superen os límites marcados neste artigo.
- A que acredite a titularidade do/s ben/s sinistrado/s.
- Póliza de seguro relacionada co ben sinistrado ou, no seu defecto, declaración responsable sobre a súa inexistencia.

O Consorcio poderá solicitar a documentación complementaria que considere necesaria para a acreditación do cumprimento dos requisitos establecidos. Da mesma forma, poderá ser requirido informe dos Servizos Sociais do Concello en que estea empadroad/a o/a solicitante.

Artículo 7º.- Beneficios Fiscais

Fóra dos supostos indicados nesta ordenanza, non se recoñecen outros beneficios fiscais, salvo os que estean expresamente amparados en normas con rango de lei e os derivados de tratados internacionais.

Artigo 8º.- Base Impoñible, Base Liquidable, Cota Tributaria e Tarifas.

A base imoñible desta taxa que será igual á base liquidable, determinarase en función do número de efectivos, tanto persoais como materiais (vehículos, equipos e materiais) empregados na prestación do servizo, o tempo invertido nesta, así como o percorrido efectuado polos vehículos que actúen e, no seu caso, polas especiais incidencias na prestación do servizo.

a) A cota tributaria determinarase pola aplicación das seguintes Tarifas:

VEHÍCULOS	BUL – Bomba Urbana Lixeira	50 €/h ou fracción
	BNP – Bomba Nodriza Pesada	50 €/h ou fracción
	Escala – Vehículo de altura	60 €/h ou fracción

	Vehículos lixeiros	35 €/h ou fracción
	Furgón servizos varios	40 €/h ou fracción
PERSOAL	Bombeiro	18 €/h ou fracción
	Cabo-Xefe de Quenda	22 €/h ou fracción
	Sarxento-Xefe do Servizo	25 €/h ou fracción
	Suboficial	28 €/h ou fracción
EQUIPOS	Equipos ERAS (Respiración autónoma)	24 € /unidade
	Extintores	40 € /unidade
	Mangueiras e Accesorios	15 € / tramo
	Xerador de Espuma	30 €/h ou fracción
	Xerador eléctrico	35€/h ou fracción
	Equipo submarinismo	50 €/h ou fracción
	Lancha rescate e salvamento	40€/h ou fracción
	Detector gases	20 €/h ou fracción
	Bomba achique	25 €/h ou fracción
	Equipo rescate altura/subsolo	30 €/h ou fracción
	Equipo de excarceración	85 €/h ou fracción
MATERIAL	Recarga Aire Comprimido ERA	12 €/unidade
	Espumóxeno	10 € / litro
	Absorbente	15 €/kg.
	Dispersante	8 €/litro
	Spray insecticida contra avespas velutinas	11,50 €/unidade
QUILOMETRAXE	Quilómetro (contabilizarase ida e volta por cada un dos vehículos)	1 €/Km.
TARIFA MÍNIMA	Adicionalmente, cando se realice a prestación de servizos tales como desconexión de alarmas, apertura de portas, retirada de elementos arquitectónicos que ameacen ruína e outros similares, salvo que, da liquidación dos elementos persoais e materiais utilizados resulte unha cota superior.	1 €/Km.
A FRACCIÓN (minutos de exceso sobre as horas completas) computarase do seguinte xeito:		Entre 1 e 30 minutos: 0,5 horas
		Entre 31 e 60 minutos: 1 hora
<b>INCREMENTOS DAS TARIFAS ANTERIORES</b>		
Servizos fóra do ámbito do Consorcio:		Os servizos efectuados fóra do ámbito de actuación dos Parques de Bombeiros que forman parte do Consorcio, sufrirán unha recarga do 50% sobre a tarifa resultante.
Incidentes con materias perigosas		Naqueles incidentes nos que haxa presenza de substancias tóxicas, inflamables, explosivas, etc. en cantidades ou condicións non permitidas polas disposicións legais aplicables, recargarase a tarifa resultante nun 100%.

b) A cota tributaria total, estará constituída pola suma das cantidades resultantes da aplicación das correspondentes tarifas.

Artigo 9º.- Período Impositivo e Devengo.

O período impositivo coincidirá co tempo invertido na prestación dos servizos regulados nesta ordenanza.

Devéngase a taxa e nace a obriga de contribuir no momento no que saia/n do/s Parque/s de Bombeiros a/s dotación/s correspondente/s para levar a cabo o seu cometido, intre no que se inicia, a todos os efectos, a prestación do servizo, tanto se ao chegar ao lugar do sinistro actúa o persoal, como se non o fai por tratarse dunha falsa alarma ou xa non ser necesario.

Artigo 10º.- Xestión.

Para cada actuación, emitírase informe dando parte da intervención realizada, desde o/s parque/s de bombeiros correspondente/s. En dito informe faranse constar os datos que identifiquen ao/s suxeito/s pasivo/s, describindo a actuación realizada e especificando cantos outros datos sexan precisos para efectuar a liquidación correspondente, entre os que deberán figurar entre outros:

- Lugar e data do sinistro.
- Descrición do desenvolvemento do sinistro e da actuación realizada.
- Hora de saída e de regreso ao/s parque/s.
- Hora de inicio e de finalización da intervención, ou no seu caso, indicación expresa de que se tratou dunha falta alarma e que se voltou ao parque antes de chegar ao punto do sinistro.
- Persoal, vehículos, equipos e material utilizado.
- Kilómetros percorridos por cada un dos vehículos.
- Datos de identificación dos bens afectados (endereço completo ou número de matrícula), dos/as seus/súas titulares e dos/as usuarios/as do servizo (nome e apelidos, dni, teléfono e endereço a efectos de notificacións).
- De ser o caso, denominación social da entidade aseguradora e número da póliza.

Artigo 11º.- Liquidación e ingreso.

1.- De acordo cos datos incluídos no informe da intervención realizada, emitido desde o/s Parque/s de Bombeiros, practícarase a liquidación provisional que corresponda, que será aprobada mensualmente na oportuna resolución conxunta dese fin para notificarse, individualmente, e dar trámite de audiencia aos/ás interesados/as.

Transcorrido o prazo de 10 días desde a recepción das notificacións:

- No caso de non recibirse alegacións, a liquidación provisional converterase automaticamente en definitiva.
- No caso de recibirse alegacións, éstas resolveranse e practícarase a liquidación definitiva que corresponda, que será notificada.

O importe resultante das liquidacións ingresarase conforme á forma e prazos sinalados no Regulamento Xeral de Recadación (RXR), aprobado por Real Decreto 939/2005, do 29 de xullo, ben directamente no Consorcio a través da conta bancaria establecida ao efecto ou ben, na Administración pública a quen se tivera delegado, no seu caso, a recadación da taxa.

2.- A liquidación e notificación da taxa, así como a súa xestión recadatoria, tanto en período voluntario como en período executivo, practícarase e notificarase conforme ás normas tributarias aplicables en cada momento.

Artigo 12º.- Prestación do servizo fóra dos concellos integrados no Consorcio.

1.- Para a realización de tal servizo precisarase autorización da Presidencia ou, no seu caso, da Xerencia do Consorcio. Concederase, en todo caso, cando o servizo o permita e o/a solicitante satisfaga a contía da taxa, calculada conforme ao disposto no artigo 8º.

2.- Nos casos en que as circunstancias de urxencia o aconsellen, poderá esixirse o previo pagamento a unha media de 6 horas en que sexa empregado o persoal e material que se requira.

Artigo 13º.- Infraccións e sancións tributarias.

En materia de cualificación das infraccións e da aplicación das sancións que ás mesmas correspondan, estarase ao disposto nos artigos 178 e seguintes da Lei Xeral Tributaria, e nas disposicións ditadas para o seu desenvolvemento.

**Artigo 14º.- Delegación**

O Consorcio poderá delegar as facultades de xestión, liquidación, inspección e recadación tributaria da taxa ao Servizo de Recadación da Deputación Provincial de Lugo.

**Artigo 15º.- Convenios con outras entidades.**

O Consorcio poderá establecer convenios con outras entidades, coa finalidade de compensar o custo das actuacións producidas por intervencións a favor de suxeitos pasivos con domicilio fora dos termos da provincia ou do ámbito de actuación do Consorcio, así como para a recadación da taxa correspondente.

**Artigo 16º.- Dereito supletorio.**

1.- Para todo o non previsto na presente Ordenanza, estarase ao disposto ao efecto, polas normas do vixente ordenamento xurídico de aplicación, en especial, ao Texto Refundido da Lei Reguladora das Facendas Locais, aprobado polo Real Decreto Lexislativo 2/2004, do 5 de marzo; á Lei 8/1989, do 13 de abril, de Taxas e Prezos Públicos; á Lei 58/2003, do 17 de decembro, Xeral Tributaria; e á Lei 47/2003, do 26 de novembro, Xeral Orzamentaria.

2.- Así mesmo, serán de aplicación o resto das normas do ordenamento xurídico que derroguen ou modifiquen ás vixentes no momento de aprobarse a presente ordenanza ou durante a vixencia da mesma.

**Disposición Transitoria.-**

Ata a entrada en vigor desta ordenanza, aplicarase a anterior, publicada no Boletín Oficial da Provincia de Lugo nº 010, de data 13/01/2012.

Disposición derogatoria.- Á entrada en vigor da presente Ordenanza, quedará derogada a Ordenanza Fiscal nº 1 reguladora da taxa pola prestación do servizo de extinción de incendios, salvamento, expedición de documentos administrativos e determinadas actividades administrativas, publicada no Boletín Oficial da Provincia nº 010, de data 13/01/2012.

**Disposición Final.- Ordenación, modificación, entrada en vigor e vixencia.**

1.- A ordenación do tributo regulado pola presente ordenanza, levouse a cabo mediante acordo de aprobación inicial da mesma, adoptado polo Pleno do Consorcio, en sesión celebrada o día 28 de novembro de 2024 e o acordo provisional elevouse automaticamente a definitivo ao finalizar o período de exposición ao público, por non ter recibido reclamacións.

2.- En consonancia co establecido no parágrafo 4 do artigo 17 do TRLRFL, esta ordenanza entrará en vigor ao día seguinte da publicación do seu texto íntegro xunto co acordo de aprobación no “Boletín Oficial da Provincia de Lugo”, e permanecerá vixente de forma indefinida, ata a súa expresa derogación ou modificación, comprendendo dentro destas, calquera modificación no ordenamento xurídico de superior xerarquía que a fagan inaplicable total ou parcialmente, segundo corresponda.

O Secretario do Consorcio, José Antonio Mourelle Cillero.

Lugo, 27 de xaneiro de 2025.- O Secretario do Consorcio, José Antonio Mourelle Cillero.

R. 0220

---

**Anuncio**

Ao non presentarse reclamacións durante o prazo de exposición ao público, queda automaticamente elevado a definitivo, o acordo plenario inicial do Consorcio Provincial de Lugo para a Prestación do Servizo Contra Incendios e Salvamento, do 28 de novembro do 2024, de aprobación da Ordenanza fiscal reguladora da taxa pola expedición de documentos administrativos e realización de determinadas actividades administrativas, publicado no B.O.P. de Lugo nº 281 do 05/12/2024.

Contra o presente acordo, poderase interpor recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia, no prazo de dous meses a contar desde o día seguinte ao da publicación do presente anuncio, de conformidade co artigo 46 da Lei 29/1998, do 13 de xullo, Reguladora da Xurisdición Contencioso- Administrativa.

O texto íntegro da Ordenanza faise público en cumprimento do disposto no artigo 17.4 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.